

Project Personol

I'w addysgu o fis Medi 2027

Canllaw Cyflym



Noder bod yr holl wybodaeth yn ein
Canllawiau Cyflym yn amodol ar
gymeradwyaeth Cymwysterau Cymru.

Yn Arbennig i Gymru.
Yn barod i'r byd.

Grymuso dysgwyr, cefnogi athrawon

Fel corff dyfarnu mwyaf Cymru, mae gennym fwy na 75 mlynedd o brofiad yn cyflwyno cymwysterau o safon y gellir ymddiried ynddynt ac yn cefnogi dysgwyr, addysgwyr, a chyflogwyr ledled Cymru.

Darparwn amrywiaeth eang o gymwysterau dwyieithog sy'n hygyrch, yn ennyn diddordeb, ac wedi'u bwriadu i fodloni anghenion dysgwyr heddiw.

I ategu ein cymwysterau mae gennym dimau pynciol arbenigol, adnoddau o safon uchel, a chefnogaeth arbenigol, ymatebol. Y cydweithio agos ag ysgolion, colegau, consortia rhanbarthol, arbenigwyr sector a Chymwysterau Cymru sy'n llywio ac yn llunio ein gwaith.

Ni yw'r unig gorff dyfarnu sy'n cynnig cymwysterau ym mhob cyfres o'r hyn sydd ar gael fel Cymwysterau Cenedlaethol 14-16. Rydym yn falch iawn felly o fod â rôl allweddol yn cefnogi dyhead Llywodraeth Cymru i wneud addysg yng Nghymru yn rhywbeth y gall y genedl fod yn falch ohono. Mae'n ymrwymiad gennym i helpu pob dysgwr i gyflawni ei botensial ac i symud ymlaen yn hyderus.





Ynglŷn â'r Project Personol

Mae cymwysterau Project Personol yn grymuso dysgwyr i ddilyn astudiaeth ystyrlon, hunangyfeiriedig sy'n seiliedig ar y Cwricwlwm i Gymru.

Maen nhw'n annog dysgwyr i ymgysylltu â maes sydd o ddiddordeb personol iddyn nhw, wrth ddatblygu a chymhwyso'r Pedwar Sgil Cyfannol:

- creadigrwydd ac arloesi
- meddwl yn feirniadol a datrys problemau
- effeithiolrwydd personol
- cynllunio a threfnu.

Bydd ymgymryd â'r cymwysterau hyn yn meithrin annibyniaeth, gwydnwch, ac ymdeimlad cryf o berchnogaeth dros ddysgu.

Ar gyfer pwy mae'r cymwysterau hyn?

Mae'r Project Personol wedi'i lunio ar gyfer dysgwyr sydd eisiau archwilio testun sy'n bwysig iddyn nhw – sy'n gysylltiedig â diddordeb personol, dyhead yn y dyfodol, neu i barhau â'u dysgu o fewn y Chwe Maes Dysgu a Phrofiad.

Mae'r Project Personol yn gynhwysol i bob dysgwr sy'n gweithio o Lefel Mynediad 1, hyd at Lefel 2.



Beth mae'r cymwysterau hyn yn eu cynnwys?

Bydd y Project Personol yn caniatáu i ddysgwyr ddatblygu a chymhwyso'r Pedwar Sgil Cyfannol wrth wneud cysylltiadau ar draws disgyblaethau ac adfyfyrio ar eu taith.

Sgil Cyfannol	Elfennau Allweddol
Creadigrwydd ac Arloesi	• Cynhyrchu syniadau • Archwilio posibiliadau • Arbrofi a mireinio syniadau • Gwneud cysylltiadau • Creu canlyniadau pwrpasol
Meddwl yn Feirniadol a Datrys Problemau	• Defnyddio, syntheseiddio a gwerthuso gwybodaeth • Cyfeirnodu gwybodaeth • Adnabod materion • Gofyn cwestiynau ystyrlon • Datblygu dadleuon • Cynnig atebion
Effeithiolrwydd Personol	• Rheoli ei hun • Cymryd cyfrifoldeb • Gweithio'n annibynnol a gweithio gydag eraill • Adfyfyrio ar berfformiad

Sgil Cyfannol	Elfennau Allweddol
Cynllunio a Threfnu	- Gosod nodau clir - Cynllunio tasgau ac amserlenni - Rheoli adnoddau - Monitro cynnydd - Adfyfrio ar benderfyniadau cynllunio

Graddio

Lefel Mynediad	Lefel 1	Lefel 2
Lefel Mynediad 1 Llwyddo	Lefel 1 Llwyddo	Lefel 2 Llwyddo
Lefel Mynediad 2 Llwyddo	Lefel 1 Teilyngdod	Lefel 2 Teilyngdod
Lefel Mynediad 3 Llwyddo	Lefel 1 Rhagoriaeth	Lefel 2 Rhagoriaeth

“Mae'n gyffrous iawn gweld y gyfres nesaf o gymwysterau sy'n seiliedig ar sgiliau yn dwyn ffrwyth ar ffurf y Gyfres Sgiliau a'r Project Personol.

Ar ôl gweithio gyda chymwysterau Tystysgrif Her Sgiliau Cenedlaethol/Sylfaen CBAC dros y 10 mlynedd diwethaf, rwy'n edrych ymlaen at fod yno i arwain, cyngori a chefnogi canolfannau drwy'r cyfnod pontio wrth iddyn nhw gyflwyno'r Gyfres Sgiliau a'r Project Personol newydd i'w cwricwlwm.

Sara Davies

Pennaeth Sgiliau a Llwybrau,
Cymwysterau Galwedigaethol a
Thechnegol a Sgiliau



Oes angen mwy o gefnogaeth arnoch chi?

Mae ein Cynrychiolydd Rhanbarthol [Sophie Dobbs](#) ar gael i'ch cefnogi fel canolfan i gyflwyno'r cymwysterau newydd cyffrous hyn:

Rwy'n gweithio'n agos gydag ysgolion a cholegau ledled Cymru, yn eu helpu i ddeall y cymwysterau Ton 3 newydd sydd i ddod fel rhan o ddiwygio Cymwysterau Cenedlaethol 14-16 ym mis Medi 2027.

Rwyf yma i gefnogi canolfannau ar bob cam o'r daith -o'r sgysiau cynnar a chynllunio, hyd at gyflwyno'r cymwysterau.

Cyn dechrau yn CBAC, treuliais 17 mlynedd mewn addysg uwchradd. Mae cael y profiad hwnnw, a dealltwriaeth glir o'r heriau ymarferol y mae uwch arweinwyr yn eu hwynebu o ran staffio, amserlennu, adnoddau a chyllidebau, yn golygu fy mod mewn sefyllfa dda i gefnogi canolfannau yn strategol ac yn ymarferol drwy drawsnewidiad Ton 3

Cysylltwch â Sophie:

ton3@cbac.co.uk



Mae'r don olaf o Gymwysterau Cenedlaethol 14-16 ar gyfer Gymru ar y ffordd, a bydd y cymwysterau'n barod i'w haddysgu am y tro cyntaf o fis Medi 2027.

Rydyn ni'n adeiladu ar bopeth a ddysgwyd wrth gyd-greu ein cymwysterau TGAU Gwneud-i-Gymru, gan gydweithio â dros 100 o ganolfannau a 60+ o gyflogwyr, i ddatblygu amrywiaeth gynhwysol, eang a chytbwys o gymwysterau sy'n galluogi ffyrdd gwahanol o ddysgu a datblygu sgiliau.

Dewch i ddarganfod amrywiaeth o gymwysterau newydd cynhwysol gyda CBAC, bwrdd arholi mwyaf sefydledig Cymru:

- **Project Personol**
- **Y Gyfres Sgiliau (Sgiliau Bywyd a Sgiliau Gwaith)**
- **Sylfaen (Cyffredinol ac yn Gysylltiedig â Gwaith)**
- **TAAU (Tystysgrif Alwedigaethol Addysg Uwchradd)**

Dysgu mwy: www.cbac.co.uk/ton3



Yn Arbennig i Gymru.
Yn barod i'r byd.